

毛詩故訓定本

文王之什故訓傳第二十三 毛詩大雅

文王之什十篇六十六章四百一十四句

文王七章章八句

文王文王受命作周也

文王在上於昭于天周雖舊邦其命維新有周不顯帝
命不時文王陟降在帝左右 亶亶文王令聞不已陳
錫哉周侯文王孫子文王孫子本支百世凡周之士不
顯亦世 世之不顯厥猶翼翼思皇多士生此王國王
國克生維周之楨濟濟多士文王以寧 穆穆文王於
緝熙敬止假哉天命有商孫子商之孫子其麗不億上

三言一
帝既命侯于周服 侯服于周天命靡常殷士膚敏裸
將于京厥作裸將常服黼冏王之蓋臣無念爾祖 無
念爾祖聿修厥德永言配命自求多福殷之未喪師克
配上帝宜鑒于殷駿命不易 命之不易無遏爾躬宜
昭義問有虞殷自天上天之載無聲無臭儀刑文王萬
邦作孚

在上在民上也於歎辭昭見也其命維新乃新在文
王也有周周也不顯顯也顯光也不時時也時是也
文王陟降在帝左右言文王升接天下接人也暨暨
勉也哉載此謂侯維也本本宗也支支子也凡周之

以借

士不顯亦世不世顯德乎士者世祿也翼翼恭敬思
辭也皇天楨幹也濟濟多威儀也穆穆美也緝熙光
明也假固也此謂商之孫子其麗不億上帝既命侯
于周服麗數也盛德不可爲眾也侯服于周天命靡
常則見天命之無常也殷士殷侯也膚美敏疾也裸
濯鬯也周人尙臭將行京大也黼白與黑也冏殷冠
也夏后氏曰收周曰冕蓋進也無念念也聿述也永
言配命自求多福永長言我也我長配天命而行爾
庶國亦當自求多福殷之未喪師克配上帝帝乙已
上也駿大也遏止義善虞度也載事刑法孚信也

大明八章四章章六句四章章八句

大明文王有明德故天復命武王也

明明在下赫赫在上天難忱斯不易維王天位殷適使
不挾四方 摯仲氏任自彼殷商來嫁于周曰嬪于京
乃及王季維德之行 大任有身生此文王維此文王
小心翼翼昭事上帝聿懷多福厥德不回以受方國

天監在下有命既集文王初載天作之合在洽之陽在
渭之涘 文王嘉止大邦有子大邦有子倪天之妹文
定厥祥親迎于渭造舟爲梁不顯其光 有命自天命
此文王于周于京纘女維莘長子維行篤生武王保右

命爾燹伐大商 殷商之旅其會如林矢于牧野維予
侯興上帝臨女無貳爾心 牧野洋洋檀車煌煌駟騶
彭彭維師尙父時維鷹揚涼彼武王肆伐大商會朝清
明

明明在下赫赫在上明明察也文王之德明明於下
故赫赫然著見于天忱信也天位殷適紂居天位而
殷之正適也挾達也摯仲氏任摯國任姓之中女也
此當經作中傳作仲釋文正義所據未是也古以中爲仲如中興卽仲興亦是嬪婦京大也
王季大王之子文王之父也 大任仲任也 仲本作中身重
也回違也集就載識合妃也洽洽水也渭渭水也涘

厓也嘉美也倪磬也

磬玉篇廣韻皆作磬磬盡也騶馬曰磬語意略同猶云竟是天

妹之文定厥祥言大姒之有文德也祥善也親迎于渭

言賢聖之妃也造舟爲梁不顯其光言受命之宜王

基乃始於是也天子造舟諸侯維舟大夫方舟士特

舟造舟然後可以顯其光輝續繼也莘大姒國也長

子維行長子長女也能行大任之德焉篤厚右助嬖

和也旅眾也如林言眾而不爲用也

按說文旂卽發石車引詩其旂

如林毛鄭皆不作旂則說文所傳者三家詩也

矢于牧野維予侯與矢陳興

起也言天下之望周也上帝臨女無貳爾心言無敢

懷貳心也洋洋廣也煌煌明也駟馬白腹曰駟言上

周下殷也師大師也尙父可尙可父鷹揚如鷹之飛
揚也涼佐也此謂涼卽亮之段借肆疾也會朝清明會甲也古會
外切甲與會雙聲凡器之蓋曰會日之首曰甲二者
演之爲居首之稱貨殖傳蓋一州漢書作甲一州詩
之甲朝一謂甲子日一謂第一日天下清明不崇朝
也定本作會甲兵坐不知由音以推義耳
而天下清明

緜九章章六句

緜文王之興本大王也

緜緜瓜瓞民之初生自土漆沮

依正義作漆沮

古公亶父陶復

陶穴未有家室

古公亶父來朝趣馬

趣字依玉篇引鄭云避惡早且

疾早謂朝疾謂趣說文趣疾也

率西水滸至于岐下爰及姜女聿來胥

毛詩傳

卷二十三

文王

四

宇 周原膺膺莖茶如飴爰始爰謀爰契我龜曰止曰

時築室于茲 迺慰迺止迺左迺右迺疆迺理迺宣迺

畝自西徂東周爰執事 迺召司空迺召司徒卑立室

家其繩則直縮版以載作廟翼翼 抹之陌陌

從玉篇手部作

陌若从奕聲則不得音而音仍矣 度之薨薨築之登登削婁馮馮百堵

皆興馨鼓弗勝 迺立皋門皋門有伉迺立應門應門

將將迺立冢土戎醜攸行 肆不殄厥愠亦不隕厥問

柞械拔矣行道兌矣混夷駭矣維其喙矣 虞芮質厥

成文王蹶厥生子曰有疏附子曰有先後子曰有奔奏

子曰有御侮

縣縣瓜瓞興也縣縣不絕貌瓜瓞瓜紹也瓞腋也此傳
之難讀由後人誤刪瓜瓞二字而以瓜逗紹也句耳
瓜紹謂之瓜瓞瓜紹何以謂之瓜瓞瓞者腋也小瓜
之稱也瓜紹之瓜必小如腋故謂之瓜瓞也何言乎
瓜紹繼先歲近本之實也爾雅其紹瓞當作瓜紹瓞
民周民也自用土居也漆漆水沮沮水也古公幽公
也古言久也亶父字或殷以名言質也古公處豳狄
人侵之事之以皮幣不得免焉事之以犬馬不得免
焉事之以珠玉不得免焉乃屬其耆老而告之曰狄
人之所欲者吾土地也吾聞之君子不以其所養人
者害人二三子何患乎無君去之踰梁山邑於岐山
之下豳人曰仁人之君不可失也從之如歸市陶復

陶穴陶其土而復之陶其壤而穴之未有家室室內

曰家未有寢廟亦未敢有家室率循也許水厓也姜

女大姜也胥相

此相字依今法讀去聲古無平去分別

宇居也周原漆

沮之閒也廌廌美也堇菜也荼苦菜也契開也慰安

爰於也其繩則直言不失繩直也乘謂之縮

箋云乘當為繩

作廟翼翼君子將營宮室宗廟為先廡庫為次居室

為後揀藥也

此謂揀即輦字之段借藥揀徙土輦也

陋陋眾也度之薨

薨度居也

毛云居鄭云投韓詩云填三者同意

薨薨言百姓之勸勉也

薨薨二字今補薨當讀莫膝反與懋懋聲沒沒勉勉皆雙聲

登登用力也削婁馮

馮削牆鍛婁之聲馮馮然

婁音樓空也第婁音樓空廢地矣處馮馮堅實聲

也皆俱也馨大鼓也長一丈二尺或馨或鼓經文馨鼓分大

小言勸事樂功也迺立皋門皋門有伋迺立應門應

門將將王之郭門曰皋門伋高貌王之正門曰應門

將將嚴正也美大王作郭門以致皋門作正門以致

應門焉迺立冢土戎醜攸行冢大戎大醜眾也冢土

大社也起大事動大眾必先有事乎社而後出謂之

宜美大王之社遂為大社也肆故今也愠恚隕隊也

兌成蹊也駢突喙困也方言瘞極也又曰瘠極也皆即此經喙字外傳余病喙韋

注短質成也成平也蹶動也虞芮之君相與爭田久

而不平乃相謂曰西伯仁人也盍往質焉乃相與朝

周入其竟則耕者讓畔行者讓路入其邑男女異路
班白不提挈入其朝士讓爲大夫大夫未讓爲卿二國
之君感而相謂曰我等小人不可以履君子之庭乃
相讓以其所爭田爲閒田而退天下聞之而歸者四
十餘國率下親上曰疏附相道前後曰先後喻德宣
譽曰奔奏武臣折衝曰御侮

棫樸五章章四句

棫樸文王能官人也

芄芃棫樸薪之醕之

禮釋文
譌作樛

濟濟辟王左右趣之

濟

濟辟王左右奉璋奉璋戕戕髦士攸宜

滌彼溼舟承

徒楫之周王子邁六師及之 倬彼雲漢爲章于天周
王壽考遐不作人 追琢其章金玉其相勉勉我王綱
紀四方

芄芄械樸薪之禋之興也芄芄木盛貌械白桮也樸

枹木也

方言樸字卽此經及考工記之樸字

酒積也山木茂盛萬民得

而薪之賢人衆多國家得用蕃興趣趨也

此謂假借

半圭

曰璋表表盛壯也髦俊也滂舟行貌楫擢也

擢从手引也俗

字从木

六師天子六軍倬大也雲漢天河也遐不作人

遐遠也遠不作人也

此當云遠作人也此字衍鄭箋異義

追彫也金曰

彫玉曰琢相質也

旱麓六章章四句

旱麓受祖也周之先祖世修后稷公劉之業大王王季

申以百福千祿焉

此是千字假樂箋曰子孫得祿千億是也

瞻彼旱麓榛楛濟濟豈弟君子千祿豈弟 瑟彼玉瓚

黃流在中豈弟君子福祿攸降 鸛飛戾天魚躍于淵

豈弟君子遐不作人 清酒既載騂牡既備以享以祀

以介景福 瑟彼柞械民所燎矣豈弟君子神所勞矣

莫莫葛藟施于條枚豈弟君子求福不回

旱山名也麓山足也濟濟眾多也千祿豈弟千求也

言陰陽和山藪殖故君子得以千祿樂易玉瓚圭瓚

也黃金所以飾

句絕此從正義本

流鬯也九命然後錫以秬

鬯圭瓚鳶飛戾天魚躍于淵言上下察也清酒既載
騂牡既備言年豐畜碩也以享以祀以介景福言祀
所以得福也瑟眾貌莫莫施貌

思齊五章二章章六句三章章四句

思齊文王所以聖也

思齊大任文王之母思媚周姜京室之婦大姒嗣徽音
則百斯男 惠于宗公神罔時怨神罔時恫刑于寡妻
至于兄弟以御于家邦 雝雝在宮肅肅在廟不顯亦
臨無射亦保 肆戎疾不殄烈假不瑕不聞亦式不諫

亦入 肆成人有德小子有造古之人無斃譽髦斯士
齊莊媚愛也周姜大姜也京室王室也大妣文王之
妃也則百斯男大妣十子眾妾則宜百子也宗公宗
神也恫痛也刑法也寡妻適妻也御迎也雖離和也
肅肅敬也不顯亦臨以顯臨之無射亦保保安無厭
也肆戎疾不殄肆故今也戎大也故今大疾害人者
不絕之而自絕也烈業假大也不聞亦式不諫亦入
言性與天合也造爲也斃厭也髦俊也
人無厭於有譽之
俊士也十二字

皇矣八章章十二句

皇矣美周也天監代殷莫若周也世世修德莫若文王

此從崔

集注本

皇矣上帝臨下有赫監觀四方求民之莫維此二國其
政不獲維彼四國爰究爰度上帝耆之憎其式廓乃眷
西顧此維與宅 作之屏之其蕃其翳修之平之其灌
其柵啓之辟之其櫜其椐攘之剔之其壓其柘帝遷明
德串夷載路天立厥妃受命既固 帝省其山柞棫斯
拔松柏斯兌帝作邦作對自大伯王季維此王季因心
則友則友其兄則篤其慶載錫之光受祿無喪奄有四
方 維此王季

按王季左
傳作文王

帝度其心貉其德音其德克

明克明克類克長克君王此大邦克順克比比于文王
其德靡悔既受帝祉施于孫子 帝謂文王無然畔援
無然歆羨誕先登于岸密人不共敢距大邦侵阮徂共
王赫斯怒爰整其旅以按徂旅以篤于周祜以對于天
下 依其在京侵自阮疆陟我高岡無矢我陵我陵我
阿無飲我泉我泉我池度其鮮原居岐之陽在渭之將
萬邦之方下民之王 帝謂文王子懷明德不大聲以
色不長夏以革不識不知順帝之則帝謂文王詢爾仇
方同爾弟兄以爾鈎援與爾臨衝以伐崇墉 臨衝閑
閑崇墉言言執訊連連攸馘安安是類是禡是致是附

四方以無侮臨衝弗弗崇墉屹屹是伐是肆是絕是忽
四方以無拂

皇大莫定也二國殷夏也彼彼有道也四國四方也

究謀度居也

毛傳度訓居二見縣與皇矣也

耆惡也

耆即嗜好字耆訓惡猶亂訓治

徂訓存

憎其式廓廓大也憎其用大位行大政西顧顧

西土也宅居也木立死曰菑自斃為翳灌叢生也桺

桺也檉河桺也楮櫝也檠山桑也帝遷明德徙就文

王之德也串習

此謂串即慣之設借慣說文作撰作還串即說文母字

夷常路

大也妃嬈也兌易直也

兌與殷武九九古同音同義兌从谷聲

對配也

自大伯王季從大伯之見王季也因親也善兄弟曰

友慶善光大也喪亡奄大也心能制義曰度貉靜也

德正應和曰貉照臨四方曰明類善也勤施無私曰

類教誨不倦曰長賞慶刑威曰君

此章故訓本左氏已上三十三字各

本係箋自屬外誤今正之慈和徧服曰順擇善而從曰比經緯天

地曰文無然畔援無然歆羨無是畔道無是援取無

是貪羨

此謂歆即貪之段借賈逵注國語本此

岸高位也密人不其敢

距大邦侵阮徂其國有密須氏侵阮遂往侵其也旅

師按止也旅地名也對遂也京大阜也矢陳也小山

別大山曰鮮將側也

此從雙聲得其訓詰與行副也同

方則也懷歸

也不大聲以色不大聲見於色不長夏以革革更也

不以長大有所更仇匹也鉤援鉤鉤梯也所以鉤引

上城者

以引釋援

臨臨車也衝衝車也墉城也閑閑動搖

也言言高大也連連徐也攸所也馘獲也不服者殺而獻其左耳曰馘於內曰類於野曰禡致致其社稷羣神附附其先祖爲之立後尊其尊而親其親第第彊盛也仡仡猶言言也肆疾也忽滅也

靈臺五章章四句

靈臺民始附也文王受命而民樂其有靈德以及鳥獸昆蟲焉

經始靈臺經之營之庶民攻之不日成之經始勿亟

庶民子來王在靈囿麀鹿攸伏 麀鹿濯濯白鳥嚮嚮

王在靈沼於物魚躍 虞業維縱賁鼓維鏞於論鼓鍾

於樂辟廱 於論鼓鍾於樂辟廱鼗鼓逢逢矇瞍奏公

神之精明者稱靈四方而高曰臺經度之也攻作也

不日成之不日有成也囿所以域養禽獸也

九有亦言九域

亦言九圓天子百里諸侯四十里靈囿言靈道行於囿也

麀牝也濯濯娛遊也嚮嚮肥澤也沼池也靈沼言靈

道行於沼也物滿也植者曰虞橫者曰枸業大版也

縱崇牙也賁大鼓也鏞大鍾也論思也

定本及集注釋文有此三

字論同論思同總理之總箋申毛耳說文二部曰論思也論部曰論理也思如角有總理毛謂論爲論之

段借鼓與鍾合其思理書所謂無相奪倫記所謂論倫無患也水旋丘如璧曰辟廱以節觀者鼉魚屬逢逢和也有眸子而無見曰矇無眸子曰瞍公事也

下武六章章四句

下武繼文也武王有聖德復受天命能昭先人之功焉
下武維周世有哲王三后在天王配于京王配于京
世德作求永言配命成王之孚成王之孚下土之式
永言孝思孝思維則媚茲一人應侯順德永言孝思
昭哉嗣服昭茲來許繩其祖武於萬斯年受天之祜
受天之祜四方來賀於萬斯年不遐有佐

武繼也三后大王王季文王也王武王也式法也孝
思維則則其先人也一人天子也應當侯維也許進
繩戒武迹也不遐有佐遠夷來佐也此皆不警警也
不盈盈也之例
不遠有佐者遠夷來佐也
遐不作人者遠作人也

文王有聲八章章五句

文王有聲繼伐也武王能廣文王之聲卒其伐功也
文王有聲適駿有聲適求厥寧適觀厥成文王烝哉
文王受命有此武功既伐于崇作邑于豐文王烝哉
築城伊瀉作豐伊匹匪棘其欲適追來孝王后烝哉
王公伊濯維豐之垣四方攸同王后維翰王后烝哉

豐水東注維禹之績四方攸同皇王維辟皇王烝哉
鎬京辟廱自西自東自南自北無思不服皇王烝哉
考卜維王宅是鎬京維龜正之武王成之武王烝哉

豐水有芑武王豈不仕詒厥孫謀以燕翼子武王烝哉

烝君也泂成溝也

此謂泂卽沔之段借韓詩正作沔古文闕作閭

匹配也后

君也濯大翰榦也績業皇大也鎬京辟廱自西自東
自南自北無思不服武王作邑於鎬京也芑草也仕
事燕安翼敬也

生民之什故訓傳第二十四 毛詩大雅

生民之什十篇六十五章四百三十三句

生民八章四章章十句四章章八句

生民尊祖也后稷生於姜嫄文武之功起於后稷故推以配天焉

厥初生民時維姜嫄生民如何克禋克祀以弗無子履
帝武敏歆攸介攸止載震載夙載生載育時維后稷
誕彌厥月先生如達不圻不副無蕃無害以赫厥靈上
帝不寧不康禋祀居然生子 誕寘之隘巷牛羊腓字
之誕寘之平林會伐平林誕寘之寒冰鳥覆翼之鳥乃

去矣后稷呱矣 實覃實訐厥聲載路誕實匍匐克岐

克嶷以就口食蓺之荏菹荏菹旆旆禾役穰穰麻麥幪

幪瓜瓞嗶嗶 誕后稷之穡有相之道第厥豐草種之

黃茂實方實苞實種實裒實發實秀實堅實好實穎實

栗卽有邰家室

呂覽說文水經注引皆無卽字

誕降嘉種維秬維秠

維糜維芑恆之秬秠是穫是畝恆之糜芑是任是負以

歸肇祀

誕我祀如何或春或揄

當依說文作畱

或鋤或蹂釋

之浚浚烝之浮浮載謀載惟取蕭祭脂取羝以較載燔

載烈以興嗣歲 卬盛于豆于豆于登其香始升上帝

居歆胡臭亶時后稷肇祀庶無罪悔以迄于今

生民本后稷也姜嫄姜姓也后稷之母配高辛氏帝
焉克禋克祀以弗無子禋敬弗去也去無子求有子
古者必立郊禘焉玄鳥至之日以大牢祠于郊禘天
子親往后妃率九嬪御乃禮天子所御帶以弓韉授
以弓矢于郊禘之前履踐也帝高辛氏之帝也武迹
敏疾也從於帝而見於天將事齊敏也歆饗介大也
攸止福祿所止也震動夙早育長也后稷周棄也勤
播百穀以利民死于黑水之山

韋昭注魯語稱毛詩傳如是魏志杜畿傳

引之今據

誕大彌終達達生也

達生之達今補達生謂沓生言重沓而生

此與車攻傳鳥達屨也皆段達為沓姜嫄之子首生者乃如重沓而生之易然先釋達而後釋先生如白

華傳先釋烘熨而後先生二字今補姜嫄之子先生者也
釋桑薪文法同也

不埤不副無菑無害言易也凡人在母母則病生則
埤副菑害其母橫逆人道赫顯也不寧寧也不康康
也誕寘之隘巷牛羊腓字之誕大寘置腓辟字愛也
天生后稷異之於人欲以顯其靈也帝不順天是不
明也故承天意而異之於天下誕寘之平林曾伐平
林牛羊而辟人者理也置之平林又爲人所收取之
誕寘之寒冰鳥覆翼之大鳥來一翼覆之一翼藉之
人而收取之又其理也故置之於寒冰鳥乃去矣后
稷呱矣於是知有天異往取之矣后稷呱呱然而泣

覃長訝大路大也岐知意也疑識也

說文引詩作嘒太玄疑同疑今

本毛詩作嶷淺人依岐字偏旁改之耳岐知古音同

在十六部疑識古音同弟一部此古於疊韻得訓之

大凡也岐者山之兩岐也心之開明似之故曰知意

疑者心口閒有所識也故曰識也皇矣亦不識不知

言荏菹戎菹也旆旆然長也役列也說文引正作穎

列者梨之段借梨黍穊穊苗好美也幪幪然茂盛也

穊也禾莖亦云梨穊穊苗好美也幪幪然茂盛也

嗒嗒然多實也相助也第治也艸多曰第治亂曰亂也黃

嘉穀也碩鼠傳曰苗嘉穀也說文曰禾嘉穀也栗嘉

穀實也凡言嘉穀皆謂禾生曰苗秀曰禾

茂美也方極畝也苞本也種襍種也古多以襍為集

生不襍實一說也集襃長也發盡發也不榮而實曰

也謂后稷於邠是家是室也堯見天因邠而生后稷故國后稷於

邠命使事天以顯神順天命耳凡傳言耳者而巳之合聲也誕降

嘉種天降嘉種也秬黑黍也秠一稂二米也糜赤苗

也芑白苗也恆徧也以歸肇祀肇始也始歸郊祀也

揄扊曰也或皤或蹂或皤康者或蹂米者也依定本作米爲

長下文箋云后稷既爲郊祀之酒及其米案蹂米卽今人洮米以手重擦之蹂之言柔也下文釋之洩洩則疏散之漂去康皮也一釋淅米也洩洩聲也浮浮事中分二層箋說未愜

氣也嘗之日泣卜來歲之芑獮之日泣卜來歲之戒

社之日泣卜來歲之稼所以興來而繼往也載謀載

惟穀孰而謀陳祭而卜矣取蕭祭脂取羝以軋取蕭

合黍稷臭達牆屋先奠而後焚蕭合馨香也新牡羊
較道祭傳火曰燔貫之加于火曰烈以興嗣歲興來
歲繼往歲也卽我木曰豆瓦曰登豆薦菹醢登大羹
也迄至也

行葦七章二章章六句五章章四句

行葦忠厚也周家忠厚仁及草木故能內睦九族外尊
事黃耆養老乞言以成其福祿焉

敦彼行葦牛羊勿踐履方苞方體維葉泥泥嗷嗷兄弟
莫遠具爾或肆之筵或授之几肆筵設席授川有緝
御或獻或酢洗爵奠斚醢醢以薦或燔或炙嘉穀脾

膝或歌或嘏

敦弓既堅四簋既鈞舍矢既均序賓以

賢

敦弓既句既挾四簋四簋如樹序賓以不侮曾

孫維主酒醴維醕酌以大斗以祈黃耆黃耆台背以

引以翼壽考維祺以介景福

敦聚貌行道也維葉泥泥葉初生泥泥也毳毳內相

親也或肆之筵或授之几肆陳也或陳筵者或授几

者設席重席也緝御踧踖之容也罍爵也夏曰醢殷

曰罍周曰爵以肉曰醢醢膝白也

說文函谷也於毛傳爲轉注谷膝一

字也服虔曰口上曰膝口下歌者比於琴瑟也徒歌

曰函析言之今說

文谷譌舌

歌者比於琴瑟也徒歌

曰謠徒擊鼓曰嘏

此篆上文歌字兼舉爾雅謠嘏二訓俗妄刪之遂參差互異

敦

弓畫弓也天子敦弓四鍤既鈞鍤矢參亭也舍矢既

均已均中藝也

藝即臬之段借

序賓以賢言賓客次序皆賢

孔子射於矍相之圃觀者如堵牆射至於司馬使子

路執弓矢出延射曰奔軍之將亡國之大夫與爲人

後者不入其餘皆入蓋去者半入者半又使公罔之

裘序點揚觶而語公罔之裘揚觶而語

八字今補

曰幼壯

孝弟者耄好禮不從流俗修身以俟死

弟禮死爲韻

者不

射義注云者不言有此行不可以在此賓位也在此玉裁案者不猶今言是否是否在此位爲一句

位蓋去者半處者半序點又揚觶而語曰好學不倦

好禮不變耄勤稱道不亂

倦變亂爲韻

者不在此位也蓋

僅有存焉敦弓既句天子之弓合九而成規也四鍤
如樹言皆中也序賓以不侮言其皆有賢才也曾孫
成王也醕厚也大斗長三尺也祈報也台背大老也
引長翼敬也祺吉也

既醉八章章四句

既醉大平也醉酒飽德人有士君子之行焉

既醉以酒既飽以德君子萬年介爾景福 既醉以酒
爾殽既將君子萬年介爾昭明 昭明有融高朗令終
令終有俶公尸嘉告 其告維何籩豆靜嘉朋友攸攝
攝以威儀 威儀孔時君子有孝子孝子不匱永錫爾

類 其類維何室家之畜君子萬年永錫胙胤 其胤
維何天被爾祿君子萬年景命有僕 其僕維何釐爾
女士釐爾女士從以孫子

既者盡其禮終其事將行也融長朗明也令終始於
饗燕終於享祀俶始也公尸天子以卿言諸侯也邇
豆靜嘉恆豆之菹水草之和也其醢陸產之物也加
豆陸產也其醢水物也邇豆之薦水土之品也不敢
用常褻味而貴多品所以交於神明者言道之徧至
也朋友攸攝攝以威儀言相攝佐者以威儀也匱竭
類善也畜廣也胤嗣也祿福也僕附也釐予也

三言
鳧鷖五章章六句

鳧鷖守成也大平之君子能持盈守成神祇祖考安樂之也

鳧鷖在涇公尸來燕來寧爾酒既清爾殽既馨公尸燕
飲福祿來成 鳧鷖在沙公尸來燕來宜爾酒既多爾
殽既嘉公尸燕飲福祿來爲 鳧鷖在渚公尸來燕來
處爾酒既清爾殽伊脯公尸燕飲福祿來下 鳧鷖在
深公尸來燕來宗既燕于宗福祿攸降公尸燕飲福祿
來崇 鳧鷖在疊公尸來止熏熏旨酒欣欣燔炙芬芬
公尸燕飲無有後艱

鳧鷖在涇鳧水鳥也鷖鳧屬大平則萬物衆多馨香
之遠聞也沙水旁也宜宜其事也爾酒旣多爾殽旣
嘉言酒品齊多而殽備美也福祿來爲厚爲孝子也
渚沚也處止也深水會也宗尊也崇重也壺山絕水
也熏熏和說也欣欣然樂也芬芬香也無有後艱言
不敢多祈也

假樂四章章六句

假樂嘉成王也

假樂君子顯顯令德宜民宜人受祿于天保右命之自
天申之 千祿百福子孫千億穆穆皇皇宜君宜王不

愆不忘率由舊章 威儀抑抑德音秩秩無怨無惡率

由羣匹受福無疆四方之綱 之綱之紀燕及朋友百

辟卿士媚于天子不

釋文作匪

解于位民之攸暨

假嘉也

此謂以借

宐民宐人宐安民宐官人也申重也宐

君宐王宐君王天下也抑抑美也秩秩有常也朋友

羣臣也暨息也

公劉六章章十句

公劉召康公戒成王也成王將蒞政戒以民事美公劉之厚於民而獻是詩也

篤公劉匪居匪康迺場迺疆迺積迺倉迺裹餼糧于橐

于囊思輯用光弓矢斯張干戈戡揚爰方啓行 篤公
劉于胥斯原旣庶旣繁旣順迺宣而無未嘆陟則在廡
復降在原何以舟之維玉及瑤鞞琫容刀 篤公劉逝
彼百泉瞻彼溇原迺陟南岡迺觀于京京師之野于時
處處于時廬旅于時言言于時語語 篤公劉于京斯
依蹌蹌濟濟俾筵俾几旣登迺依迺造其曹執豕于牢
酌之用匏食之飲之君之宗之 篤公劉旣溥旣長旣
景迺岡相其陰陽觀其流泉其軍三單度其隰原徹田
爲糧度其夕陽幽居允荒 篤公劉于豳斯館涉渭爲
亂取厲取礮止基迺理爰眾爰有夾其皇澗遡其過澗

止旅迺密芮鞠之卽

篤厚也公劉居於邠而遭夏人亂迫逐公劉公劉乃
辟中國之難遂平西戎而遷其民邑於豳焉迺場迺
疆言修其疆場也迺積迺倉言民事時和國有積倉
也小曰橐大曰囊思輯用光言民相與和睦以顯於
時也弓矢斯張干戈戚揚爰方啓行戚斧也揚鉞也
張其弓矢秉其干戈戚揚以方開道路去之豳蓋諸
侯之從者十有八國焉胥相宣徧也無永嘆民無長
嘆猶文王之無悔也

正義云皇矣其德靡悔毛意不與鄭同

嶺小山別

於大山也舟帶也

舟卽舳之段借故訓爲帶

維玉及瑤言有美德

也下曰韓上曰琫言德有度數也容刀言有武事也

溥大觀見也京師之野言是京乃大眾所宜居之野

也

此從正義

廬寄也直言曰言論難曰語既登乃依賓已

登席坐矣乃依几矣曹羣也執豕于牢新國則殺禮

也酌之用匏儉以質也君之宗之爲之君爲之大宗

也既景迺岡考於日景參之高岡三單相襲也徹治

也山西曰夕陽荒大也館舍也正絕流曰亂破破石

也

此從釋文箋釋傳破石字云破石所以爲鐵質也

皇澗澗名也邇鄉也過

澗澗名也密安也

此謂密卽必之段借

芮水厓也

此謂芮卽鞠

究也

洞酌三章章五句

洞酌召康公戒成王也言皇天親有德饗有道也

洞酌彼行潦挹彼注茲可以飭餽豈弟君子民之父母

洞酌彼行潦挹彼注茲可以濯鬻豈弟君子民之攸

歸 洞酌彼行潦挹彼注茲可以濯漑豈弟君子民之

攸塹 漑當同匪
風作概

洞遠也 此謂洞即
過之段借 行潦流潦也飭餽也饌酒食也豈

弟君子民之父母樂以強教之易以說安之民皆有

父之尊有母之親濯滌也鬻祭器漑清也 清淨古
今字

卷阿十章六章章五句四章章六句

卷阿召康公戒成王也言求賢用吉士也

有卷者阿票風自南豈弟君子來游來歌以矢其音

伴奭爾游矣優游爾休矣豈弟君子俾爾彌爾姓似先

公酋矣爾土宇畷章亦孔之厚矣豈弟君子俾爾彌

爾性百神爾主矣爾受命長矣弗祿爾康矣豈弟君

子俾爾彌爾性純嘏爾常矣有馮有翼有孝有德以

引以翼豈弟君子四方爲則嘏嘏卬卬如珪如璋令

聞令望豈弟君子四方爲綱鳳皇于飛翩翩其羽亦

集爰止藹藹王多吉士維君子使媚于天子鳳皇于

飛翩翩其羽亦傳于天藹藹王多吉人維君子命媚于

庶人 鳳皇鳴矣于彼高岡梧桐生矣于彼朝陽萋萋
萋萋離離喈喈 君子之車既庶且多君子之馬既閑
且馳矢詩不多維以遂歌

有卷者阿票風自南興也卷曲也票風迴風也惡人
被德化而消猶票風之入曲阿也矢陳也伴奭廣大
有文章也彌終也似嗣也酋終也取大也弗小也嘏
大也有馮有翼道可馮依以爲輔翼也引長翼敬也

顒顒溫貌印印盛貌鳳皇靈鳥仁瑞也

靈鳥當是禮
鳥轉寫失之

騶虞義獸有至信之德則應之麟信獸而應禮鳳皇
禮鳥有仁德則應之三傳皆與古左氏說同服虔曰
修其母致其子視明禮修而麟至思睿信立而白虎
援言從父成而神龜在沼聽聰知正而名川出龍貌

恭惟仁則鳳皇來儀雄曰鳳雌曰皇翾翾衆多也藹藹循濟濟也梧桐生矣于彼朝陽梧桐柔木也山東曰朝陽梧桐不生山岡大平而後生朝陽蓁蓁萋萋梧桐盛也離離喈喈鳳皇鳴也臣竭其力則地極其化天下和洽則鳳皇樂德君子之車旣庶且多君子之馬旣閑且馳上能錫以車馬行中節馳中法也矢詩不多維以遂歌不多多也明王使公卿獻詩以陳其志遂爲工師之歌焉

民勞五章章十句

民勞召穆公刺厲王也

民亦勞止汔可小康惠此中國以綏四方無縱詭隨以
謹無良式遏寇虐憯不畏明採遠能邇
採依釋文以定我王

民亦勞止汔可小休惠此中國以爲民速無縱詭隨
以謹惇惇式遏寇虐無俾民憂無棄爾勞以爲王休

民亦勞止汔可小息惠此京師以綏四國無縱詭隨以
謹罔極式遏寇虐無俾作慝敬慎威儀以近有德民
亦勞止汔可小愒惠此中國俾民憂泄無縱詭隨以謹
醜厲式遏寇虐無俾正敗戎雖小子而式弘大民亦
勞止汔可小安惠此中國國無有殘無縱詭隨以謹繼
繼式遏寇虐無俾正反王欲玉女是用大諫

汙危也中國京師也四方諸夏也詭隨詭人之善隨

人之惡者

詭責也箋云詭人之善不盲行

以謹無良慎小以懲大也

僭會也

說文引作晉

揉安也休定也迷合也僭恠大亂也

休美也息止也慝惡也以近有德求近德也惕息泄

去也

泄與澤同經典多段泄爲澤

醜眾厲危也戎大也賊義曰殘

繾綣反覆也

板八章章八句

板凡伯刺厲王也

上帝板板下民卒瘁出話不然爲猶不遠靡聖管管不實于亶猶之未遠是用大諫天之方難無然憲憲天

之方蹶無然泄泄辭之輯矣民之洽矣辭之繹矣民之
莫矣 我雖異事及爾同寮我卽爾謀聽我蹢蹢我言
維服勿以爲笑先民有言詢于芻蕘 天之方虐無然
謏謏老夫濯濯小子蹢蹢匪我言耄爾用憂謏多將炤
炤不可救藥 天之方憐無爲夸毗威儀卒迷善人載
尸民之方殿屎則莫我敢葵喪亂蔑資曾莫惠我師
天之牖民如堦如筮如璋如圭如取如攜攜無曰益牖
民孔易民之多辟無自立辟 佺人維藩大師維垣大
邦維屏大宗維翰懷德維寧宗子維城無俾城壞無獨
斯畏 敬天之怒無敢戲豫敬天之渝無敢馳驅昊天

曰明及爾出王昊天曰旦及爾游羨

板板反也上帝以稱王者也痺病也詒善言也猶道

也管管無所依繫直誠也猶圖也憲憲猶欣欣也蹶

動也泄泄猶沓沓也輯和洽合釋說莫定也寮官也

臨臨猶瞢瞢也芻蕘薪采者

薪采者見穀梁傳

譔譔然喜樂

也灌灌猶款款也蹢躅蹢兒八十曰耄煇煇然熾盛

也憊怒也夸毗體柔人也殿屎呻吟也

此謂殿屎卽唵呶之段借

說文正作唵呶

茂無資財也隔道也

此謂隔卽誘之段借召南傳曰誘道也

嚶如箴言相和也如璋如圭言相合也如取如攜言

必從也辟法也价善也藩屏也垣牆也大宗王者天

下之大宗也翰幹也

此謂懷和也戲豫逸豫也馳驅

自恣也王往

此謂
段借

旦明游行羨溢也

蕩之什故訓傳第二十五

毛詩大雅

蕩之什十一篇九十二章七百六十九句

蕩八章章八句

蕩召穆公傷周室大壞也厲王無道天下蕩蕩無綱紀文章故作是詩也

蕩蕩上帝下民之辟疾威上帝其命多僻天生烝民其命匪誕靡不有初鮮克有終 文王曰咨咨女殷商曾是彊禦曾是掎克曾是在位曾是在服天降滔德女興是力 文王曰咨咨女殷商而秉義類彊禦多懟流言以對寇攘式內侯作侯祝靡届靡究 文王曰咨咨女

殷商女𩇑休于中國斂怨以爲德不明爾德時無背無
側爾德不明以無陪無卿 文王曰咨咨女殷商天不
湏爾以酒不義從式旣愆爾止靡明靡晦式號式呼卑
晝作夜 文王曰咨咨女殷商如蜩如蟴如沸如羹小
大近喪人尙乎由行內𩇑于中國覃及鬼方 文王曰
咨咨女殷商匪上帝不時殷不用舊雖無老成人尙有
典刑曾是莫聽大命以傾 文王曰咨咨女殷商人亦
有言顛沛之揭枝葉未有害本實先撥殷鑒不遠在夏
后之世

上帝以託君王也辟君也疾威上帝疾病人矣威罪

人矣謔誠也咨嗟也強禦強梁禦善也培克自伐而

好勝人也

定本培作倍正義云謂己兼倍于人而自矜伐也今按毛意謂培自引聚也訓以自

伐猶自多也克之訓好勝人也孟子亦作培克服服政事也天君滔漫也對

遂也侯作侯祝作祝詛也

四字一句作經傳皆如字侯作侯祝與乃宜乃肅爰

始爰謀句法同屈極究窮魚休猶彭亨也無背背無臣無側

側無人也無陪無陪貳也無卿無卿士也義立也卑

晝作夜使晝爲夜也蜩蟬也蟾蜍也人尙乎由行言

居人上欲用行是道也吳怒也不醉而怒曰吳鬼方

遠方也顛仆沛拔也

此謂反借也按同賦

揭根見貌

抑十二章三章章八句九章章十句

抑衛武公刺厲王亦以自警也

抑抑威儀維德之隅人亦有言靡哲不愚庶人之愚亦職維疾哲人之愚亦維斯戾無競維人四方其訓之

有覺德行四國順之訐謏定命遠猶辰告敬愼威儀維民之則其在于今典迷亂于政顛覆厥德荒湛于酒

女雖湛樂從弗念厥紹罔敷求先王克其明刑肆皇

天弗尙如彼泉流無淪胥以亾夙興夜寐洒掃廷內維

民之章脩爾車馬弓矢戎兵用戒戎作用邊蠻方質

爾民人

作人民者誤

謹爾侯度用戒不虞愼爾出話敬爾威

儀無不柔嘉白圭之玷

說文作剡

尙可磨也斯言之玷不可

爲也 無易由言無曰苟矣莫捫朕舌言不可逝矣無

言不讎無德不報惠于朋友庶民小子子孫繩繩萬民

是不承

依釋文別本與箋合

視爾友君子輯柔爾顏不遐有愆

相在爾室尙不媿于屋漏無曰不顯莫云子覲神之格

思不可度思矧可射思 辟爾爲德俾臧俾嘉淑慎爾

止不愆于儀不僭不賊鮮不爲則投我以桃報之以李

彼童而角實虹小子 荏染柔木言緡之絲溫溫恭人

維德之基其維哲人告之詒言順德之行其維愚人覆

謂我僭民各有心 於乎小子未知臧否匪手攜之言

示之事匪面命之言提其耳借曰未知亦旣抱子民之

靡盬誰夙知而莫成 昊天孔昭我生靡樂視爾夢夢
我心惛惛誨爾諄諄聽我藐藐匪用爲教覆用爲虐借
曰未知亦聿旣耄 於乎小子告爾舊止聽用我謀庶
無大悔天方艱難曰喪厥國取譬不遠昊天不忒回遘
其德俾民大棘

抑抑密也隅廉也靡詰不愚國有道則知國無道則
愚職主戾罪也無競競也訓教覺直也訐大謨謀猶
道辰時也紹繼共執刑法也淪率也洒灑章表也遄
遠也質成也不虞非度也話善言也玷缺也莫無捫
持也讎用也輯和也西北隅謂之屋漏觀見也格至

也辟爾爲德俾臧俾嘉女爲善則民爲善矣止至也
爲人君止於仁爲人臣止於敬爲人子止於孝爲人
父止於慈與國人交止於信僭差也童羊之無角者
也而角自用也虹潰也緡被也溫溫寬柔也詒言古
之善言也釋文曰詒說文作詒蓋說文解詩曰告之
詒言陸氏所據未誤今本說文詩曰詒訓
四字不成語
淺人所改耳借假也莫晚也夢夢亂也惛惛憂不樂
也藐藐然不入也耄老也

桑柔十六章八章章八句八章章六句

桑柔芮伯刺厲王也

苑彼桑柔其下侯旬捋采其劉瘼此下民不殄心憂倉

兄填兮倬彼昊天寧不我矜 四牡騤騤旗旐有翩亂
生不夷靡國不泯民靡有黎具禍以蓋於乎有哀國步
斯頻 國步蔑資天不我將靡所止疑云徂何往君子
實維秉心無競誰生厲階至今爲梗 憂心慙慙念我
土宇我生不辰逢天憊怒自西徂東靡所定處多我觀
瘠孔棘我圉 爲謀爲毖亂兄斯削告爾憂恤誨爾序
爵誰能執熱逝不以濯其何能淑載胥及溺 如彼遼
風亦孔之僂民有肅心莽云不逮好是家嗇力民代食
家嗇維寶代食維好 天降喪亂滅我立王降此蠹賊
稼穡卒瘁哀恫中國具贅卒荒靡有旅力以念穹蒼

維此惠君民人所瞻秉心宣猶考慎其相維彼不順自
獨俾臧自有肺腸俾民卒狂 瞻彼中林玆玆其鹿朋
友已僭不胥以穀人亦有言進退維谷 維此聖人瞻
言百里維彼愚人覆狂以喜匪言不能胡斯畏忌 維
此良人弗求弗迪維彼忍心是顧是復民之貪亂寧爲
荼毒 大風有隧有空大谷維此良人作爲式穀維彼
不順征以中垢 大風有隧貪人敗類聽言則對誦言
如醉匪用其良覆俾我悖 嗟爾朋友予豈不知而作
如彼飛蟲時亦弋獲旣之陰女反予來赫 民之罔極
職涼善背爲民不利如云不克民之回遘職競用力

民之未戾職盜爲寇涼曰不可覆背善詈雖曰非子旣作爾歌

苑彼桑柔其下侯甸捋采其劉瘼此下民興也苑茂

貌旬言陰均也劉暴樂而希也瘼病也倉喪也兄滋

也

此與常棣召旻傳同彼作茲此作滋皆訓益

填久也昊天斥王者也駉

駉不息也鳥隼曰旗龜蛇曰旐駉駉在路不息也夷

平泯滅也黎齊也步行頻急也疑定也競彊厲惡梗

病也宇居俾厚也罔垂也愍愍也誰能執熱逝不以

濯濯所以救熱也禮亦所以愍亂也迓鄉儉也

此謂儉即

吳之段借也說文曰吳飲食氣並不得息曰吳古文作吳居未切按恣愛字以此古文爲聲故經段儉爲

吳也吧古書皆云
於邑吧乃俗字耳莽使也代食無功者食天祿也贅

屬荒虛也穹蒼蒼天相質也牲牲衆多也谷窮也瞻

言百里遠慮也迪進也隧道也中垢言闇冥也類善

也覆反也赫光也

定本集注作炙也顧廣圻曰依正義攷之古本作莽莽也謂此莽盛

字即拒赤字也
古拒啡祇作赤涼薄也戾定也

雲漢八章章十句

雲漢仍叔美宣王也宣王承厲王之烈內有撥亂之志
遇裁而懼側身修行欲銷去之天下喜於王化復行百
姓見憂故作是詩也

俾彼雲漢昭回于天王曰於乎何辜今之人天降喪亂

饑饉薦臻靡神不舉靡愛斯牲圭璧既卒寧莫我聽
早既大甚溫隆蟲蟲不殄禋祀自郊徂宮上下質瘞靡
神不宗后稷不克上帝不臨耗斁下土寧丁我躬 早
既大甚則不可推兢兢業業如霆如雷周餘黎民靡有
子遺昊天上帝則不我遺胡不相畏先祖于摧 早既
大甚則不可沮赫赫炎炎云我無所大命近止靡瞻靡
顧羣公先正則不我助父母先祖胡寧忍子 早既大
甚滌滌山川旱魃爲虐如暎如焚我心憚暑憂心如熏
羣公先正則不我聞昊天上帝寧俾我遜 早既大甚
僇勉畏去胡寧瘖我以旱憯不知其故祈年孔夙方社

不莫昊天上帝則不我虞敬恭明祀宜無悔怒 早既
大甚散無友紀鞠哉庶正疚哉豕宰趣馬師氏膳夫左
右靡人不周無不能止瞻卬昊天云如何里 瞻卬昊
天有嘒其星大夫君子昭假無羸大命近止無棄爾成
何求爲我以戾庶正瞻卬昊天曷惠其寧

回轉也薦重臻至也溫隆蟲蟲溫溫而暑

溫讀爲蘊
鬱積也定

本作
蘊

隆隆而雷蟲蟲而熱也上下奠瘞靡神不宗上

祭天下祭地奠奠其禮瘞瘞其物宗尊也國有凶荒
則索鬼神而祭之丁當也推去也兢兢恐也業業危
也靡有子遺無子然遺失也

失同
佚

摧至也沮止也赫

赫旱氣也炎炎熱氣也大命近止民近死也先正
百辟卿士也父母先祖文武爲民父母也滌滌山川
滌滌旱氣也山無木川無水魃旱神也悵燎也此謂
悵卽
炎之段借韓
詩正作炎 憚勞熏灼也悔恨也趣馬師氏膳夫左
右靡人不周言歲凶年穀不登則趣馬不秣師氏弛
其兵馳道不除祭事不縣膳夫徹膳左右布而不脩
大夫不食梁士飲酒不樂周救也無不能止言無止
不能也嘒眾星貌假至也戾定也

崧高八章章八句

崧高尹吉甫美宣王也天下復平能建國親諸侯褒賞

申伯焉

崧高維嶽駿極于天維嶽降神生甫及申維申及甫維
周之翰四國于蕃四方于宣 聲聲申伯王纘之事于
邑于謝南國是式王命召伯定申伯之宅登是南邦世
執其功 王命申伯式是南邦因是謝人以作爾庸王
命召伯徹申伯土田王命傅御遷其私人 申伯之功
召伯是營有俶其城寢廟旣成旣成藐藐王錫申伯四
牡躋躋鉤膺濯濯 王遣申伯路車乘馬我圖爾居莫
如南土錫爾介圭以作爾寶往迓王舅南土是保 申
伯信邁王餞于郿申伯還南謝于誠歸王命召伯徹申

伯土疆以峙其張式遄其行 申伯番番既入于謝徒

御嘽嘽周邦咸喜戎有良翰不顯申伯王之元舅文武

是憲 申伯之德柔惠且直採此萬邦聞于四國吉甫

作誦其詩孔碩其風肆好以贈申伯

釋文曰贈送也詩之本皆尔崔集注

本作贈增也云增益申伯之美案贈當是崔本作曾說文會字下亦云曾者益也

崧高貌山大而高曰崧嶽四嶽也東嶽岱南嶽衡西

嶽華北嶽恆堯之時姜氏爲四伯掌四嶽之祀述諸

侯之職於周則有甫有申有齊有許也駿大極至也

嶽降神靈和氣以生申甫之大功翰幹也謝周之南

國也召伯召公也登成也功事也庸城也徹治也御

治事之官也私人家臣也倣作也藐藐美貌蹻蹻壯

貌鉤膺樊纓也濯濯光明也乘馬四馬也寶璫也迺

己也

己與忌同大叔于川傳曰忌辭也此傳謂迺者己之段借箋中之曰己辭也讀如彼記之于之

記王風彼其之子箋曰其或作記或作己讀聲相似鄭風箋曰忌讀如彼己之子之己蓋其記己忌迺五字同詞之助也已作戊己字今本毛詩此及王風鄭風作已止字誤又鄭釋毛云己詞也今本仍作迺誤經傳迺誤作近則自唐

然矣惟宋廖氏本作迺

申伯宣王之舅也鄘地名番

番勇武貌諸侯有大功則賜虎賁徒御嘽嘽徒徒行

者御御車者嘽嘽喜樂也不顯申伯顯矣申伯也文

武是憲言有文有武也吉甫尹吉甫也作誦作是工

師之誦也肆長也贈增也

烝民八章章八句

烝民尹吉甫美宣王也任賢使能周室中興焉

天生烝民有物有則民之秉彝好是懿德天監有周昭
假于下保茲天子生仲山甫 仲山甫之德柔嘉維則
令儀令色小心翼翼古訓是式威儀是力天子是若明
命使賦 王命仲山甫式是百辟纘戎祖考王躬是保
出納王命王之喉舌賦政于外四方爰發 肅肅王命
仲山甫將之邦國若否仲山甫明之既明且哲以保其
身夙夜匪解以事一人 人亦有言柔則茹之剛則吐
之維仲山甫柔亦不茹剛亦不吐不侮矜寡不畏彊禦

人亦有言德輶如毛民鮮克舉之我義圖之維仲山
甫舉之愛莫助之袞職有闕維仲山甫補之 仲山甫
出祖四牡業業征夫捷捷每懷靡及四牡彭彭八鸞鏘
鏘王命仲山甫城彼東方 四牡騤騤八鸞喈喈仲山
甫徂齊式邁其歸吉甫作誦穆如清風仲山甫永懷以
慰其心

烝衆物事則法彝常懿美也仲山甫樊侯也古故訓
道若順賦布也戎大也喉舌冢宰也將行也義宜也

愛隱也

此謂愛卽
褒之段借

袞有袞冕者袞冕君之上服也仲

山甫補之善補過也仲山甫出祖四牡業業征夫捷

捷每懷靡及言述職也業業言高大也捷捷言樂事也城彼東方東方齊也古者諸侯之居逼隘則王者遷其邑而定其居蓋去薄姑而遷於臨菑也騃騃猶彭彭也喈喈猶鏘鏘也式適其歸適疾也言周之望仲山甫也清風清微之風化養萬物者也

韓奕六章章十二句

韓奕尹吉甫美宣王也能錫命諸侯

奕奕梁山維禹甸之有倬其道韓侯受命王親命之續戎祖考無廢朕命夙夜匪解虔共爾位朕命不易榦不庭方以佐戎辟四牡奕奕孔修且張韓侯入覲以其

介圭入覲于王王錫韓侯淑旂綏章簠錯衡玄衮赤
舄鈎膺鏤錫鞞靽淺幘攸革金厄韓侯出祖出宿于
屠顯父餞之清酒百壺其殽維何魚鼈鮮魚其蔌維何
維筍及蒲其贈維何乘馬路車藎豆有且侯氏燕胥
韓侯取妻汾王之甥蹶父之子韓侯迎止于蹶之里百
兩彭彭八鸞鏘鏘不顯其光諸娣從之祁祁如雲韓侯
顧之爛其盈門蹶父孔武靡國不到爲韓姑相攸莫
如韓樂孔樂韓土川澤訐訐魴鱮甫甫麀鹿嘒嘒有熊
有羆有貓有虎慶旣令居韓姑燕譽溥彼韓城燕師
所完以先祖受命因時百蠻王錫韓侯共追其貆奄受

北國因以其伯實墉實壑實畝實籍獻其貔皮赤豹黃
熊

奕奕大也甸治也禹治梁山除水災今宣王平大亂
命諸侯有倬其道有倬然之道者也受命受命爲侯
伯也戎大虔固其執也庭直也修長張大覲見也淑
善也交龍爲旂綏大綏也

毛意綏當作綏

錯衡文衡也鑲錫

金鑲其錫也鞞革也鞞軾中也淺虎皮淺毛也幘覆

式也厄烏囑也

烏囑卽小爾雅釋名之烏啄沈重音畫是也正義牽合釋蟲烏蠋如風馬

牛不屠地名也

此說文之部

顯父有顯德者也藪菜散也

筍竹也蒲蒲蒻也汾大也蹶父卿士也里邑也祁祁

徐靚也如雲言眾多也諸侯一取九女二國媵之諸

娣眾妾也顧之曲顧道儀也

曲顧見淮南鴻烈解列女傳白虎通道儀謂導

引之儀也舊作義

姑蹶父姓也訐訐大也甫甫然大也嘆嘆

然眾也貓似虎淺毛者也師眾也先祖韓侯之先祖武王之子也因時百蠻長是蠻服之百國也追貊戎狄國也奄撫也實墉實壑言高其城深其壑也獻其貍皮赤豹黃熊貍猛獸也追貊之國來貢而侯伯總領之

江漢六章章八句

江漢尹吉甫美宣王也能興衰撥亂命召公平淮夷

江漢浮浮武夫滔滔匪安匪游淮夷來求既出我車既
設我旟匪安匪舒淮夷來鋪 江漢湯湯武夫泱泱經
營四方告成于王四方既平王國庶定時靡有爭王心
載寧 江漢之潏王命召虎式辟四方徹我疆土匪疚
匪棘王國來極于疆于理至于南海 王命召虎來旬
來宣文武受命召公維翰無曰予小子召公是似肇敏
戎公用錫爾祉 釐爾圭瓚秬鬯一卣告于文人錫山
土田于周受命自召祖命虎拜稽首天子萬年 虎拜
稽首對揚王休作召公考天子萬壽明明天子令聞不
已矢其文德洽此四國

浮浮眾彊貌滔滔廣大貌淮夷東國在淮浦而夷行

者也鋪病也

此謂鋪卽痛之段借

洸洸武貌召虎召穆公也旬

徧也召公召康公也似嗣

此謂段借

肇謀敏疾戎大公事

也釐爾圭瓚秬鬯一卣釐賜也秬黑黍也鬯香草也

築煮合而鬱之曰鬯卣器也九命錫圭瓚秬鬯文人

文德之人也錫山土田諸侯有大功德賜之名山土

田附庸對遂考成矢施也

常武六章章八句

常武召穆公美宣王也有常德以立武事因以爲戒然赫赫明明王命卿士南仲大祖大師皇父整我六師以

修我戎旣敬旣戒惠此南國 王謂尹氏命程伯休父
左右陳行戒我師旅率彼淮浦省此徐土不畱不處三
事就緒 赫赫業業有嚴天子王舒休作匪紹匪游徐
方釋騷震驚徐方如雷如霆徐方震驚 王奮厥武如
震如怒進厥虎臣闕如虓虎鋪敦淮濱仍執醜虜截彼
淮浦王師之所 王旅嘽嘽如飛如翰如江如漢如山
之苞如川之流緜緜翼翼不測不克濯征徐國 王猶
允塞徐方旣來徐方旣同天子之功四方旣平徐方來
庭徐方不回王曰還歸

赫赫然盛也明明然察也王命卿士南仲大祖王命

南仲於大祖也大師皇甫皇甫爲大師也王謂尹氏
命程伯休父尹氏掌命卿士程伯休父始命爲大司
馬也浦厓也不畱不處三事就緒誅其君弔其民爲
之立三有事之臣也赫赫然盛也業業然動也嚴嚴
然而威舒序也保安也匪紹匪遊不敢繼以敖遊也
釋陳騷動也此謂騷卽慄之段借說文曰慄動也虓虎虎之自怒虓然
也潰涯仍就虜服也截治也嘽嘽然盛也如飛疾如
飛如翰擊如翰苞本也緜緜靚也翼翼敬也濯大也
猶謀也來庭來王庭也

瞻卬七章三章章十句四章章八句

瞻卬凡伯刺幽王大壞也

瞻卬昊天則不我惠孔填不寧降此大厲邦靡有定士
民其瘵蠹賊蠹疾靡有夷屆罪罟不收靡有夷瘳人
有土田女反有之人有民人女覆奪之此宜無罪女反
收之彼宜有罪女覆說之哲夫成城哲婦傾城懿厥
哲婦爲梟爲鴟婦有長舌維厲之階亂匪降自天生自
婦人匪教匪誨時維婦寺鞠人忮忒僭始竟背豈曰
不極伊胡爲慝如賈三倍君子是識婦無公事休其蠶
織天何以刺何神不富舍爾介狄維予胥忌不弔不
祥威儀不類人之云亾邦國殄瘁天之降罔維其優

矣人之云亡心之憂矣天之降罔維其幾矣人之云亡
心之悲矣 鬻沸檻泉維其深矣心之憂矣寧自今矣
不自我先不自我後藐藐昊天無不克鞫無忝皇祖式
救爾後

昊天斥王也填久厲惡也療病夷常也罪罟設罪以
爲罟瘵愈也收拘收也說赦也哲知也寺近也

此謂
寺卽

侍之伎害忒變也婦無公事休其蠶織休息也婦人

無與外政雖王后猶以蠶織爲事古者天子爲藉千
畝冕而朱紘躬秉耒諸侯爲藉百畝冕而青紘躬秉
耒以事天地山川社稷先古敬之至也天子諸侯必

有公桑蠶室近川而爲之築宮仞有三尺棘牆而外
閉之及大昕之朝君皮弁素積卜三宮之夫人世婦
之吉者使入蠶于蠶室奉種浴于川桑于公桑風戾
以食之歲旣單矣世婦卒蠶奉繭以示于君遂獻繭
于夫人夫人曰此所以爲君服與遂副禕而受之少
牢以禮之及良日后夫人纁三盆手遂布于三宮夫
人世婦之吉者使纁遂朱絲之玄黃之以爲黼黻文
章服旣成矣君服之以祀先王先公敬之至也刺責
富福狄遠忌怨也類善殄盡瘁病也優渥也幾危也
藐藐大貌藐訓小亦訓大輦固也小極則大形也

召旻七章四章章五句三章章七句

召旻凡伯刺幽王大壞也旻閔也閔天下無如召公之臣也

旻天疾威天篤降喪瘕我饑饉民卒流亡我居圉卒荒
天降罪罟蝥賊內訌昏極靡共潰潰回遘實靖夷我
邦 皋皋訛訛曾不知其玷兢兢業業孔填不寧我位
孔貶 如彼歲旱草不潰茂如彼棲苴我相此邦無不
潰止 維昔之富不如時維今之疚不如茲彼疏斯稗
胡不自替職兄斯引 池之竭矣不云自瀕泉之竭矣
不云自中溲斯害矣職兄斯引不裁我躬 昔先王受

命有如召公曰辟國百里今也日蹙國百里於乎哀哉
維今之人不尙有舊

圉垂也訏潰也桷天桷也潰潰亂也

此謂潰潰卽靖
憤憤之段借靖

謀夷平也皋皋頑不知道也訛訛厥不供事也貶隊
也潰遂也苴水中浮草也維昔之富不如時往者富
仁賢今也富讒佞也維今之疚不如茲今則病賢也
彼疏斯糲彼宜食疏今反食精糲替廢兄茲也引長
也瀕厓也泉之竭矣不云自中泉水從中以益者也
辟開蹙促也

清廟之什故訓傳第二十六

毛詩周頌

清廟之什十篇十章九十五句

清廟一章八句

清廟祀文王也周公既成雒邑朝諸侯率以祀文王焉
於穆清廟肅雝顯相濟濟多士秉文之德對越在天駿
奔走在廟不顯不承無射於人斯

於歎辭也穆美肅敬雝和相助也秉文之德執文德
之人也駿長也不顯顯於天矣不承見承於人矣無
射於人斯不見厭於人矣

維天之命一章八句

維天之命大平告文王也

維天之命於穆不已於乎不顯文王之德之純假以溢
我我其收之駿惠我文王曾孫篤之

維天之命於穆不已孟仲子曰大哉天命之無極而

美周之禮也

美周之禮總釋全篇非謂首二句也

純大假嘉

與假樂同

溢慎

收聚也曾孫篤之成王厚之也

維清一章五句

維清奏象舞也

維清緝熙文王之典肇禋迄用有成維周之祺

典法也肇始禋祀也迄至祺祥也

烈文一章十三句

烈文成王卽政諸侯助祭也

烈文辟公錫茲祉福惠我無疆子孫保之無封靡于爾
邦維王其崇之念茲戎功繼序其皇之無競維人四方
其訓之不顯維德百辟其刑之於乎前王不忘

烈光也錫茲祉福文王錫之也封大也靡累也崇立
也戎大皇美也競彊訓道也前王武王也

天作一章七句

天作祀先王先公也

天作高山大王荒之彼作矣文王康之彼徂矣

三字
岐

有夷之行

五字句韓詩外傳說苑引皆然

子孫保之

天作高山大王荒之作生荒大也天生萬物於高山

大王行道能大之文王又能安天之所作也

晉語叔詹曰周

頌曰天作高山大王荒之荒大之也大天所作可謂親有天矣箋云大王能尊大之今本傳云能安天之

所作蓋誤奪六字今補大訓荒安訓康夷易也

昊天有成命一章七句

昊天有成命郊祀天地也

昊天有成命二后受之成王不敢康夙夜基命宥密於

緝熙單厥心肆其靖之

二后文武也基始命信宥寬密寧也緝明熙廣

鄭云廣當

為單厚肆固鄭云固當為故靖和也

我將一章十句

我將祀文王於明堂也

我將我享維羊維牛維天其右之儀式刑文王之典日靖四方伊嘏文王既右饗之我其夙夜畏天之威于時保之

將大享獻也儀善刑法典常靖謀也

時邁一章十五句

時邁巡守告祭柴望也

時邁其邦昊天其子之實右序有周薄言震之莫不震

疊懷柔百神及河喬嶽允王維后明昭有周式序在位
載戢干戈載櫜弓矢我求懿德肆于時夏允王保之
邁行震動疊懼懷來柔安喬高也高岳岱宗也明昭
明矣知未然也昭然不疑也戢聚櫜韜也夏大也

執競一章十四句

執競祀武王也

執競武王無競維烈不顯成康上帝是皇自彼成康奄
有四方斤斤其明鍾鼓喤喤磬筦將將降福穰穰降福
簡簡威儀反反既醉既飽福祿來反

無競競也烈業也不顯成康不顯乎其成大功而安

之也顯光也皇美也自彼成康用彼成安之道也奄
同也斤斤明察也嗶嗶和也將將集也穰穰眾也簡
簡大也反反難也反復也

思文一章八句

思文后稷配天也

思文后稷克配彼天立我烝民莫匪爾極貽我來牟帝

命率育無此疆爾介

釋文云介音哿大也按箋以汝今之經哿釋經爾字以大有天下釋

經介字淺人遂以箋之經哿易正文介字唐石經初刻哿後改介是也

陳常于時夏

極中也來牟麥也

來字補

率用也

臣工之什故訓傳第二十七

毛詩周頌

臣工之什十篇十章一百六句

臣工一章十五句

臣工諸侯助祭遣於廟也

嗟嗟臣工敬爾在公王釐爾成來咨來茹嗟嗟保介維
莫之春亦又何求如何新畬於皇來牟將受厥明明昭
上帝迄用康年命我眾人庠乃錢鎛奄觀銍艾

嗟嗟敕之也工官也公君也田二歲曰新田三歲曰

畬康樂也庠具錢鎛鎛銍艾穫也

艾字今補艾同
刈箋云終久

必多銍艾
勸之也

噫嘻一章八句

噫嘻春夏祈穀于上帝也

噫嘻成王既昭假爾率時農夫播厥百穀駿發爾私終三十里亦服爾耕十千維耦

噫歎也嘻勅也成王成是王事也駿發爾私私民田也言上欲富其民而讓於下欲民之大發其私田耳終三十里言各極其望也

振鷺一章八句

振鷺二王之後來助祭也

振鷺于飛于彼西雝我客戾止亦有斯容在彼無惡在

此無數庶幾夙夜以永終譽

振鷺于飛于彼西雝興也振振羣飛貌鷺白鳥也雝澤也客二王之後

豐年一章七句

豐年秋冬報也

豐年多黍多稌亦有高廩萬億及秭爲酒爲醴烝畀祖妣以洽百禮降福孔皆

豐大稌稻也廩所以藏齎盛之穗者也數萬至萬曰億數億至億曰秭皆徧也

有瞽一章十三句

有瞽始作樂而合乎祖也

有瞽有瞽在周之庭設業設虞崇牙樹羽應田縣鼓鞀
磬祝圉既備乃奏簫管備舉嗶嗶厥聲肅雝和鳴先祖
是聽我客戾止永觀厥成

瞽樂官也業大板也所以飾柶爲縣者也

者字捷業

如鋸齒或曰畫之

或曰二字當作以白字之誤也說文業字下曰大版也所以飾縣鍾

鼓捷業如鋸齒以白畫之象其鋸齒相承也

植者爲虞衡者爲柶崇牙上

飾卷然可以縣者也

者字

樹羽置羽也應小鞀也田

大鼓也縣鼓周鼓也鞀鞀鼓也

岳本宋本元本葉林宗抄宋刻釋文皆作

鞀柶木控也圉楊也

潛一章六句

潛季冬薦魚春獻鮪也

猗與漆沮潛有多魚有鱸有鮪簠簠鰾鰾以享以祀以

介景福

漆沮岐周之二水也潛穆也

疏从木釋文依古本从米釋文是也此本無其

字依聲託事

雝一章十六句

雝禘太祖也

有來雝雝至止肅肅相維辟公天子穆穆於薦廣牡相予肆祀假哉皇考綏予孝子宣哲維人文武維后燕及

皇天克昌厥後綏我眉壽介以繁祉既右烈考亦右文母

相助廣大也假嘉也燕安也烈考武王也文母大妣也

載見一章十四句

載見諸侯始見乎武王廟也

載見辟王曰求厥章龍旂陽陽和鈴央央攸革有鶴休有烈光率見昭考以孝以享以介眉壽永言保之思皇多祐烈文辟公綏以多福俾緝熙于純嘏

載始也龍旂陽陽言有文章也和在軾前鈴在旂上

攸革有鴈言有法度也昭考武王也享獻也

有客一章十二句

有客微子來見祖廟也

有客有客亦白其馬有萋有且敦琢其旅有客宿宿有客信信言授之繫以繫其馬薄言追之左右綏之既有淫威降福孔夷

白馬殷尙白也亦亦周也萋且敬慎貌一宿曰宿再宿曰信以繫其馬欲繫其馬而畱之淫大威則夷易也

武一章七句

武奏大武也

於皇武王無競維烈允文文王克開厥後嗣武受之勝
殷遏劉者定爾功

烈業也武迹劉殺者致也

閔予小子之什故訓傳第二十八 毛詩周頌

閔予小子之什十一篇十一章百三十七句

閔予小子一章十一句

閔予小子嗣王朝於廟也

閔予小子遭家不造嬛嬛在疚於乎皇考永世克孝念
茲皇祖陟降庭止維予小子夙夜敬止於乎皇王繼序
思不忘

閔病造爲疾病也庭直也序緒也 此謂序卽緒之段借

訪落一章十二句

訪落嗣王謀於廟也

訪予落止率時昭考於乎悠哉朕未有艾將予就之繼
猶判渙維予小子未堪家多難紹庭上下陟降厥家休
矣皇考以保明其身

訪謀落始時是率循悠遠猶道判分渙散也

敬之一章十二句

敬之羣臣進戒嗣王也

敬之敬之天維顯思命不易哉無曰高高在上陟降厥
士日監在茲維予小子不聰敬止日就月將學有緝熙
于光明佛時仔肩示我顯德行

顯見士事也小子嗣王也將行也光廣也佛大也

爾雅

廢大也古佛
費廢音同 仔肩克也

小毖一章八句

小毖嗣王求助也

予其懲而

疏於而字句絕各本皆云小毖一章八句

毖後患莫予荇

釋文蜂本

又作峯葉抄作峯加山宋元本附音同明監本毛本附音作峯不誤

自求辛螫肇允彼桃

蟲拚飛維鳥未堪家多難子又集于蓼

毖慎也荇峯釋曳也桃蟲鷦也鳥之始小終大者堪

任予我也我又集于蓼言辛苦也

載芟一章三十一句

載芟春藉田而祈社稷也

載芟載柞其耕澤澤千耦其耘徂隰徂畛侯主侯伯侯
亞侯旅侯疆侯以有嘏其飭思媚其婦有依其士有略
其耜俶載南畝播厥百穀實函斯活驛驛其達有厭其
傑厭厭其苗緜緜其庶載穫濟濟有實其積萬億及秭
爲酒爲醴烝畀祖妣以洽百禮有飭其香邦家之光有
俶其馨依沈重作俶胡考之寧匪且有且匪今斯今振古如
茲

除草曰芟除木曰柞畛場也主家長也伯長子也亞
仲叔也旅子弟也疆疆力也以用也嘏眾兒士子弟
也略利也達射也有厭其傑言傑苗厭然特美也

說文

所謂麋耘也此謂麋即穗之段借說文曰穗耘禾閒也濟濟難也濟同餽

芬香兒香釋文作芳俶猶餽也按俶尺叔反芳香始升觸鼻之兒土部叔昌六切氣

出土也意同沈胡壽也考成也且此也振自也

良耜一章二十三句

良耜秋報社稷也

畎畎良耜俶載南畝播厥百穀實函斯活或來瞻女載筐及筥其饌伊黍其笠伊糾其鉶斯趙以薊荼蓼荼蓼朽止黍稷茂止穫之桎桎積之栗栗其崇如墉其比如櫛以開百室百室盈止婦子寧止殺時特牡有捄其角以似以續續古之人

畏畏猶測測也笠所以禦暑雨也趙刺也蓼水草也
恻恻穫聲也栗栗眾多也墉城也黃牛黑唇曰特有
抹其角社稷之牛角尺也以似以續嗣前歲續往事
也

絲衣一章九句

絲衣繹賓尸也高子曰靈星之尸也

絲衣其紕載弁俅俅自堂徂基自羊徂牛甬甬及甬兕

觥其觶旨酒思柔不吳不敖

釋文作吳正義
作娛泮水同

胡考之休

絲衣祭服也紕絜鮮貌俅俅恭順貌基門塾之基自

羊徂牛言先小後大也大鼎謂之甬小鼎謂之甬吳

講也考成也

酌一章九句

唐宋元古本皆作九句岳本於公字句正合箋意

酌告成大武也言能酌先祖之道以養天下也

於鑠王師遵養時晦時純熙矣是用大介我龍受之躋
躋王之造載用有嗣實惟爾公允師

鑠美遵率養取晦昧也龍和也

亦見長發

躋躋武貌造爲

也公事也

桓一章九句

桓講武類禡也桓武志也

綏萬邦婁豐年天命匪解桓桓武王保有厥土于以四

方克定厥家於昭于天皇以閒之

士事也閒代也

賚一章六句

賚大封於廟也賚予也言所以錫于善人也

文王既勤止我應受之敷時繹思我徂維求定時周之
命於繹思

勤勞應當繹陳也

般一章七句

般巡守而祀四嶽河海也般樂也

此三字依集注及正義本

於皇時周陟其高山墮山喬嶽允猶翕河敷天之下衷

時之對時周之命

高山四嶽也墮山山之墮墮小者也翕合哀聚也

駟故訓傳第二十九

毛詩魯頌

駟四篇二十三章二百四十三句

駟四章章八句

駟頌僖公也能遵伯禽之法儉以足用寬以愛民務農重穀牧于坰野魯人尊之於是季孫行父請命于周而史克作是頌

駟駟牧馬

駟駟當依釋文所引說文在坰之野薄言駟作駟駟下當云薄言駟者

者有駟有皇有驪有黃以車彭彭思無疆思馬斯臧

駟駟牧馬在坰之野薄言駟者有騅有駟有駟以車伾伾思無期思馬斯才 駟駟牧馬在坰之野薄言

駟者有驪有駟有雜以車繹繹思無斃思馬斯作
駟駟牧馬在坳之野薄言駟者有駟有駟有駟有魚
以車祛祛思無邪思馬斯徂

駟駟牧馬駟駟良馬腹韃肥張也坳遠野也邑外曰
郊郊外曰野野外曰林林外曰坳牧之坳野則駟駟
然驪馬白膀曰驪黃白曰皇純黑曰驪黃驛曰黃諸
侯六閑馬四種有良馬有戎馬有田馬有駕馬彭彭
有力有容也蒼白雜毛曰騅黃白雜毛曰騅赤黃曰

騅蒼騅曰騅

蒼騅即蒼駟也小戎傳騅騅文也正義作蒼文李善補白馬賦注引同戶鳩傳

騅騅文也釋文作騅文顧命馬鄭本作騅弁故本作

騅弁是古通段基爲騅此傳俗本作蒼祺誤今依正

義及 岳本 伾伾有力也才多材也青驪類曰驪白馬黑鬣

曰駱赤身黑鬣曰騊黑身白鬣曰維維釋善足也作

始也陰白雜毛曰駟彤白雜毛曰駮豪駮曰驪

說文

豪駮也驪驪馬黃脊也與 毛異正義駮下有白恐衍 一目白曰魚

依釋文作一 目毛傳與爾

雅 異祛祛彊健也

有駮三章章九句

有駮頌僖公君臣之有道也

有駮有駮駮彼乘黃夙夜在公在公明明振振鷩鷩于

下鼓咽咽醉言舞于胥樂兮 有駮有駮駮彼乘牡夙

夜在公在公飲酒振振鷩鷩于飛鼓咽咽醉言歸于胥

樂兮 有駉有駉彼乘駟夙夜在公在公載燕自今
以始歲其有君子有穀詒孫子于胥樂兮

駉馬肥彊貌馬肥彊則能升高進遠臣彊力則能安
國振振羣飛貌鷺白鳥也以興絮白之士咽咽鼓節
也夙夜在公在公飲酒言臣有餘敬而君有餘惠也

宋本青驪曰駟歲其有歲其有豐年也

泮水八章章八句

泮水頌僖公能修泮宮也

思樂泮水薄采其芹魯侯戾止言觀其旂其旂伐伐鸛
聲噦噦無小無大從公子邁 思樂泮水薄采其藻魯

侯戾止其馬蹻蹻其馬蹻蹻其音昭昭載色載笑匪怒
伊教 思樂泮水薄采其菲魯侯戾止在泮飲酒既飲
旨酒永錫難老順彼長道屈此羣醜 穆穆魯侯敬明
其德敬慎威儀維民之則允文允武昭假烈祖靡有不

孝自求伊祐 明明魯侯克明其德既作泮宮淮夷攸

服矯矯虎臣在泮獻馘淑問如皋陶在泮獻囚 濟濟

多士克廣德心桓桓于征狄彼東南

狄毛蓋以爲述之
段借訓遠與贈中

同 烝烝皇皇不吳不瘍不告于訕在泮獻功 角弓其

斛束矢其按戎車孔博徒御無數既克淮夷孔淑不逆

式固爾猶淮夷卒獲 翩彼飛鵠集于泮林食我桑黹

懷我好音憬彼淮夷來獻其琛元龜象齒大賂南金

泮水泮宮之水也天子辟廡諸侯泮宮言水則采取

其芹宮則采取其化戾來止至也言觀其旂言法則

其文章也伐伐言有法度也噦噦言其聲也

噦歲聲歲戌聲

說文引此詩作鸞聲鉞鉞今說文譌作鉞鉞大誤傳
曰言其聲也作鉞鉞則於聲不似矣鉞辛聿切鉞王
伐切采菽傳曰鸞聲噦噦中節也
不與此傳同者字殊則義殊也其馬蹻蹻言彊盛

也色溫潤也菲鳧葵也屈收醜眾也假至也囚拘也

桓桓威武貌烝烝厚也皇皇美也瘍傷也斛弛貌五

十矢爲束搜眾意也翩飛貌鴟惡聲之鳥也黠桑實

也憬遠行貌琰寶也元龜龜尺二寸

補一龜字

賂遺也南

謂荆揚也

閼宮八章二章章十七句一章十二句一章三十
八句二章章八句二章章十句

閼宮頌僖公能復周公之宇也

閼宮有血實實枚枚赫赫姜嫄其德不回上帝是依無
災無害彌月不遲是生后稷降之百福黍稷重穋植穧
菽麥奄有下國俾民稼穡有稷有黍有稻有秬奄有下
土纘禹之緒后稷之孫實維大王居岐之陽實始翦
商至于文武纘大王之緒致天之屆于牧之野無貳無
虞上帝臨女敦商之旅克咸厥功王曰叔父建爾元子

俾侯于魯大啓爾宇爲周室輔 乃命魯公俾侯于東
錫之山川土田附庸周公之孫莊公之子龍旂承祀六
轡耳耳春秋匪解享祀不忒皇皇后帝皇祖后稷 享
以騂犧是饗是宐降福旣多周公皇祖亦其福女秋而
載嘗夏而楅衡白牡騂剛犧尊將將毛炰載羹盥豆大
房萬舞洋洋孝孫有慶俾爾熾而昌俾爾壽而臧保彼
東方魯邦是常不虧不崩不震不騰三壽作朋如岡如
陵公車千乘朱英綠縢二矛重弓公徒三萬貝冑朱綬
烝徒增增戎狄是膺荆舒是懲則莫我敢承俾爾昌而
熾俾爾壽而富黃髮台背壽胥與試俾爾昌而大俾爾

耆而艾萬有千歲眉壽無有害 泰山巖巖魯邦所瘞
奄有龜蒙遂荒大東至于海邦淮夷來同莫不率從魯
侯之功 保有龜繹遂荒徐宅至于海邦淮夷蠻貊及
彼南夷莫不率從莫敢不諾魯侯是若 天錫公純嘏
眉壽保魯居常與許復周公之宇魯侯燕喜令妻壽母
宜大夫庶士邦國是有既多受祉黃髮兒齒 徂來之
松新甫之柏是斲是度是尋是尺松栢有舄路寢孔碩
新廟奕奕奚斯所作孔曼且碩萬民是若

闕宮有佺闕閉也先妣姜嫄之廟在周常閉而無事

孟仲子曰是禘宮也佺清靜也

靜俗本作淨
依釋文正

實實廣

大也枚枚礬密也

此與東山枚微也同意

上帝是依依其子孫

也先種曰植後種曰稗緒業也翦齊也

翦所以齊物故釋翦為齊

實始齊商謂其氣象始與商齊等說文引實始截商戠乃翦之段借字耳如竹箭之為竹晉

虞誤

也

此謂段借

王成王也元首字居也周公之孫莊公之子

謂僖公也耳耳然至盛也駢赤犧純也秋而載嘗諸

侯夏禘則不禴秋禘則不嘗唯天子兼之楅衡設牛

角以偪之也白牡周公牲也駢剛魯公牲也犧尊尊

有沙飾也

補一尊字

毛魚豚也

魚當作炮魚即魚字

載肉也羹大羹

鉶羹也大房半體之俎也洋洋眾多也震動也騰乘

也壽考也公車千乘大國之賦千乘朱英矛飾也滕

繩也重弓重於鬯中也貝冑貝飾也朱紕以朱紕綴

之增增眾也膺當承止也膺至也龜山也蒙山也荒

有也鳧山也繹山也宅居也淮夷蠻貊蠻貊而夷行

也

俗本晚蠻貊二字今補上章已言淮夷故此言蠻貊如淮夷蠻貊者劣於夷者也而夷行則進矣

南夷荆楚也諾順

諾若聲故其義同若

若順也常許魯南鄙西

鄙徂徠山也新甫山也八尺曰尋桷榱也舄大貌路

寢正寢也新廟閔公廟也奚斯所作有大夫公子奚

斯者作是詩也

詩舊作廟誤奚斯所作句不上屬與節南山巷伯崧高烝民末章文法皆

同毛與韓詩說同曼長也

至鄭箋乃為異說

那故訓傳第三十 毛詩商頌

那五篇十六章百五十四句

那一章二十二句

那祀成湯也微子至于戴公其閒禮樂廢壞有正考甫者得商頌十二篇於周之大師以那爲首

猗與那與置我鞀鼓奏鼓簡簡衍我烈祖湯孫奏假綏我思成鞀鼓淵淵嘒嘒管聲旣和且平依我磬聲於赫湯孫穆穆厥聲庸鼓有數萬舞有奕我有嘉客亦不夷繹自古在昔先民有作溫恭朝夕執事有恪顧予烝嘗湯孫之將

猗歎辭那多也鞀鼓樂之所成也夏后氏足鼓殷人

置鼓

鄭云置讀曰植

周人縣鼓衍樂也烈祖湯有功烈之祖

也假大也嘒嘒然和也平正平也依倚也磬聲聲之

清者也以象萬物之成周尙臭殷尙聲於赫湯孫盛

矣湯爲人子孫也大鍾曰庸敦敦然盛也奕奕然閑

也

嫺習段閑爲之

夷說也先王稱之曰自古

魯語閔馬父曰先聖王之傳恭

猶不敢專稱曰自古古曰在昔昔曰先民章注引傳亦云先王稱之曰自古然則各本作在古誤也日本古本有古曰在昔昔曰先民有作有所作也恪敬也作自者

烈祖一章二十二句

烈祖祀中宗也

嗟嗟烈祖有秩斯祐申錫無疆及爾斯所既載清酤資
我思成亦有和羹既戒既平醲假無言時靡有爭綏我
眉壽黃耆無疆約軹錯衡八鸞鶴鶴以假以享我受命
溥將自天降康豐年穰穰來假來饗降福無疆顧予烝
嘗湯孫之將

秩常申重酤酒資賜也戒至也

戒訓至者謂戒爲般之段借也釋詁曰般

至也許叔重曰般讀若牽

醲假無言時靡有爭醲總

此謂段借卽陳風之醲數

也

假大也總大無言無爭也八鸞鶴鶴言文德之有

聲也以假以享假大也

又言假大也者以別於下文之來假訓至也玄鳥長發假

字毛不釋者蓋皆訓至

玄鳥一章二十二句

玄鳥祀高宗也

鄭云祀當爲裕

天命玄鳥降而生商宅殷土芒芒古帝命武湯正域彼四方方命厥后奄有九有商之先后受命不殆在武丁孫子武丁孫子武王靡不勝龍旂十乘大糒是承邦畿千里維民所止肇域彼四海四海來假來假祁祁景員維河殷受命咸宜百祿是何

天命玄鳥降而生商玄鳥皐也春分玄鳥降湯之先祖有娥氏女簡狄配高辛氏帝帝率與之祈於郊禘而生契故本其爲天所命以玄鳥至而生焉芒芒大

貌正長域有也九有九州也武丁高宗也勝任也畿

疆也景大員均

此謂
段借

何任也

長發七章一章八句四章章七句一章九句一章

六句

長發大禘也

濬哲維商長發其祥洪水沱沱禹敷下土方外大國是
疆幅隕既長有城方將帝立子生商 玄王桓撥受小
國是達受大國是達率履不越遂視既發相土烈烈海
外有截 帝命不違至于湯齊湯降不遲聖敬日躋昭
假遲遲上帝是祗帝命式于九圍 受小球大球爲下

國綴旒何天之休不競不綏不剛不柔敷政優優百祿
是遒受小共大共爲下國駿厯何天之龍敷奏其勇
不震不動不難不竦百祿是總武王載旆有虔秉鉞
如火烈烈則莫我敢曷苞有三豸莫遂莫達九有有轂
韋顧旣伐昆吾夏桀昔在中葉有震且業允也天子
降于卿士實維阿衡實左右商王

濬深洪大也諸夏爲外幅廣也隕均也

與立鳥
貞同

有娥

契母也將大也帝立子生商契生商也立王契也桓
大撥治履禮也相土契孫也烈烈威也至于湯齊至
湯與天心齊也不遲言疾也躋升也九圍九州也球

玉綬表

綴與璆雙聲故得訓表

旒章也綬急也優優和也適聚

也其法駿大厖厚龍和也

龍者木德故為和

難恐竦懼也武

王湯也旒旗也虔固曷害也

以曷為害猶以害為曷互相假借

苞本

業餘也有韋國者有顧國者有昆吾國者葉世也業危也阿衡伊尹也左右助也

殷武六章三章章六句二章章七句一章五句

殷武祀高宗也

撻彼殷武奮伐荆楚深入其阻哀荆之旅有截其所湯孫之緒維女荆楚居國南鄉昔有成湯自彼氐羌莫敢不來享莫敢不來王曰商是常天命多辟設都于

禹之績歲事來辟勿予禍適稼穡匪解 天命降監下
民有嚴不僭不濫不敢怠遑命于下國封建厥福 商
邑翼翼四方之極赫赫厥聲濯濯厥靈壽考且寧以保
我後生 陟彼景山松柏丸丸是斲是遷方斲是虔松
桷有桼旅楹有閑寢成孔安

捷疾意也殷武殷王武丁也荆楚荊州之楚國也采

深

采篆體作突古深淺字如此傳以深釋采以今字釋古字也同式針切采从岡米聲而規切其義冒

也

此則鄭本如是釋文不能分別誤也

哀聚也鄉所也辟君適過也嚴

敬也不僭不濫賞不僭刑不濫也封大也商邑京師

也丸丸易直也遷徙虔敬也桼長貌

釋文曰柔桼物同耳老子音義

曰挺字林云長也丑連反又一曰柔挺合此二音義
觀之則毛詩本作挺而說文木部挺字恐後人厯入
旅陳也寢路寢也